

Vorrede.

nicht also geschiwindt vñ vñbedacht/ auff alle vnsündige massen vnd zechen legen/
vnd einem jeden Hugghenkreuzer glauben geben / von ihnen viel vnd macherlich
theil ohn allen unterscheid an sich kaußen/ der meinung vnd zuuersicht/ daß man
dardurch grosse außbeut in kurzer Zeit bekommen/ vñ viel Schätz erlangen wölle/
so doch leider gewöhnlichen/ wo man diesen herrlichen vnd sehr nützlichen Handel
des Bergwerks/ also leichtfertig vnd unbesonnen angreisset/ für Golt vnd Sil-
ber nichts dann lauter Kobelt/ Wismut/ Glanz/ Kif/ Walform/ Schurl/ Glin-
nuer vnd Katzensilber zur außbeut nimpt/ vnd für grosse Schätz/ die ihm einer
fürgebildet hat/ nichts dann eitel Kolen hernach folget.

Es ist aber Bergwerk basen mit nichten ein vngöttlicher Handel/ vñ vñ-
selige Narung/ wie etliche vermeintlich fürgeben. Denn dieweil der Allmäch-
tige Gott vnd Vatter/ Schöpffer Himmels vnd der Erden/ die Berg vnd Thal/
gehenge vnd gesprenge/ Klusst vnd Gänge/ Schwäfel vnd Quicksilber/ darauff
täglich Erzt vnd Silber wächst/ selber geschaffen/ vnd auch Moses gedencket im
Paradiß eines reichen Goltseiffens im Flüß Ganges/ vnd rühmet Eubal Cain
den eltesten Bergmann/ welcher aus dem Geseiffen/ Geschubben/ Witterung/ Si-
cherung/ vnd mit Ruten die Gänge zum ersten außgericht vnd entblößt hat. Es
verheisset auch Gott durch Moses/ beneben andern leiblichen dingen/ vnd guten
gaben Erzt vnd Metall/ Golt vnd Silber/ zur notturft vnd Arzneyen der Men-
schen/ Und der weise vnd gerechte König Salomon/ auch der Gottsförchtige Ko-
ning Josaphat/ haben beide im Flüß Ganges in Indien/ das beste Ophirisch Golt
wäschen lassen/ vnd gemeinlich in dreyen jaren bis in die sechs vnd sechzig Ton-
nen Golts überschuss/ vnd zur außbeut bekommen/ wie sie dann Moses an das ort
gewiesen hat. So sind die Philipper in Macedonia/ an die S. Paulus schreibt/
auch schr Berguerständige Leut/ darzu reich vnd gewaltig von Bergwerk ge-
wesen. Dann wie Diodorus Siculus schreibt/ so hat König Philippus/ desz gro-
ßen Alexanders Vatter/ wochentlich bis in zwölftausent Kronen von diesem ort
einkommens gehabt. Derhalben hat er diese Bergstatt mit grossen Freyheiten
vnd Priuilegien begnadet/ auch daselbst ein Münz außgericht/ vñ die alten Phi-
lipper Gulden geschlagen/ deren einer ein doppelte Kronen gegolten. Und haben
große Herm vñ gute Hauszüatter/ wie wir solches aus den Historien erfahren/ sich
jederzeit auß Bergwerk beslissen/ vnd solchen Stätten sonderlichen Schutz vnd
Freyheit gegeben/ dieweil sie/ wenn das Bergwerk ansitzet/ jährlichen grosse ab-
muthung vnd überlauff geben/ ohn alle verlust vnd darlag der Grundtherrn/ wie
wir dann sehen/ daß auch von dessen wegen der Joachims Thal/ samt Freyberg
in Meissen/ Alneberg/ Marieberg/ Schneeberg/ vnd andern Bergstätten vnd
Flecken/ so in Meissen/ Sachsen/ Kirndten/ Ingern/ Böhmen vnd anderswo ge-
legen/ von Kaiserin vnd Königen/ Fürsten vnd Herrrn/ mit viel grossen Freyhei-
ten vnd Priuilegien für andere Statt vnd Flecken befretet/ begnadet vnd bega-
het seind.

Es ist auch David ohn allen zweifel ein guter Bergmann gewesen/ dieweil
er in seinen Psalmen an manchem ort/ so viel schöner Gleichniß von Bergwerk
angezogen vnd gegeben hat. So ist er auch von Golt vnd Silber sehr reich ge-
wesen/ welches unter anderem darauf abzunemen ist/ daß ein grosser Schatz bei
seinem